

乾隆大藏經



御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

宋元入藏 諸大小乘經(五)

第 63 册

一〇・九九九 大乘理趣六波羅蜜多經一〇卷(一至五) 唐罽賓國三藏般若奉詔譯……………一

(馨六一馨十)

卷六(馨六)……………一 卷七(馨七)……………一四

卷八(馨八)……………二五 卷九(馨九)……………四一

卷一〇(馨十)……………五九

一〇・一〇〇〇 佛說大乘菩薩藏正法經四〇卷(一至四〇)

宋西天三藏朝散大夫試光祿卿傳梵大師 法護等奉詔譯……………七九

(如一一如十、松一—松十)

卷一(如一)……………八〇 卷二(如一)……………八七

卷三(如二)……………九三 卷四(如二)……………九九

卷五(如三)……………一〇六 卷六(如三)……………一一四

卷七(如四)……………一二〇 卷八(如四)……………一二八

卷九(如五)……………一三五 卷一〇(如五)……………一四二

卷一一(如六)……………一五〇 卷一二(如六)……………一五八

卷一三(如七)……………一六六 卷一四(如七)……………一七三

卷一五(如八)……………一八一 卷一六(如八)……………一八八

卷一七(如九)……………一九六 卷一八(如九)……………二〇四

卷一九(如十)……………二一二 卷二〇(如十)……………二二一

卷二一(松一)……………二三一 卷二二(松一)……………二三八

卷二三(松二)	二四八	卷二四(松二)	二五六
卷二五(松三)	二六七	卷二六(松三)	二七四
卷二七(松四)	二八四	卷二八(松四)	二九四
卷二九(松五)	三〇五	卷三〇(松五)	三一三
卷三一(松六)	三二一	卷三二(松六)	三二八
卷三三(松七)	三三六	卷三四(松七)	三四五
卷三五(松八)	三五二	卷三六(松八)	三五九
卷三七(松九)	三六六	卷三八(松九)	三七三
卷三九(松十)	三八〇	卷四〇(松十)	三八五
一〇・一〇〇一 佛爲優填王說王法政論經一卷		唐三藏沙門大廣智不空奉詔譯	三九三
卷一(之一)	三九四		
一〇・一〇〇二 佛說五大施經一卷			
宋西天三藏朝奉大夫試光祿卿傳法大師 施護等奉詔譯	四〇二		
卷一(之一)	四〇二		
一〇・一〇〇三 佛說無畏陀羅尼經一卷			
宋西天三藏朝散大夫試光祿卿明教大師 法賢奉詔譯	四〇三		
卷一(之一)	四〇三		
一〇・一〇〇四 佛說大威德金輪佛頂熾盛光如來消除一切災難陀羅尼經一卷			
唐代失譯人名	四〇五		

卷一(之一)……………四〇五

一〇・一〇〇五 佛說熾盛光大威德消災吉祥陀羅尼經一卷
唐特進試鴻臚卿三藏沙門大廣智不空奉詔譯……………四〇八

序(之一)越溪沙門性澄述……………四〇八

卷一(之一)……………四〇九

一〇・一〇〇六 佛說頂生王因緣經六卷(一至六)
宋西天三藏朝奉大夫試光祿卿傳法大師 施護等奉詔譯……………四一一

(之二—之三)

卷一(之二)……………四一二 卷二(之二)……………四二〇

卷三(之二)……………四二七 卷四(之三)……………四三四

卷五(之三)……………四四〇 卷六(之三)……………四四六

一〇・一〇〇七 佛說大乘隨轉宣說諸法經三卷
宋明教辯才法師 允譯經三藏沙門紹德等奉詔譯……………四五三

卷上(之四)……………四五四 卷中(之四)……………四六二

卷下(之四)……………四七一

一〇・一〇〇八 佛說大乘入諸佛境界智光明莊嚴經五卷(一至五)
宋西天三藏朝散大夫試光祿卿傳梵大師 法護等奉詔譯……………四八一

(之五—之六)

卷一(之五)……………四八二 卷二(之五)……………四八九

卷三(之五)……………四九六 卷四(之六)……………五〇四

卷五（之六）……………五一一

一〇・一〇〇九 佛說大乘智印經五卷（一至五）……………五二七
西天三藏寶法大師 賜紫沙門智吉祥等奉詔譯

（之七—之八）

卷一（之七）……………五一八 卷二（之七）……………五二五

卷三（之七）……………五三二 卷四（之八）……………五三九

卷五（之八）……………五四八

一〇・一〇一〇 佛說法乘義決定經三卷……………五五七
西天三藏明因妙善普濟法師 金總持等奉詔譯

卷上（之九）……………五五八 卷中（之九）……………五六六

卷下（之九）……………五七三

一〇・一〇一一 佛說大白傘蓋總持陀羅尼經一卷……………五七九
元天竺俊辯大師 卿捺銘得哩連得囉磨寧及譯主僧真智等譯

卷一（之十）……………五八〇

一〇・一〇一二 佛說一切如來真實攝大乘現證三昧大教王經三〇卷……………五九一
宋西天三藏朝奉大夫試光祿卿傳法大師 施護等奉詔譯

（盛一—盛十）

卷一（盛一）……………五九二 卷二（盛一）……………六〇〇

卷三（盛二）……………六〇八 卷四（盛二）……………六一七

卷五（盛三）……………六二六 卷六（盛三）……………六三八

卷七(盛四)	六五〇
卷九(盛五)	六七五
卷一一(盛六)	六九六
卷一三(盛七)	七一六
卷一五(盛八)	七三三
卷一七(盛九)	七五〇
卷一九(盛十)	七七〇

卷八(盛五)	六六三
卷一〇(盛六)	六八五
卷一二(盛七)	七〇六
卷一四(盛八)	七二五
卷一六(盛九)	七四二
卷一八(盛十)	七六一



清刻龍藏佛說法變相圖

大乘理趣六波羅蜜多經卷第六 馨六

唐罽賓國三藏般若奉 詔譯

安忍波羅蜜多品第七

爾時佛薄伽梵顯說如是淨戒波羅蜜多已
時慈氏菩薩即從座起偏袒右肩右膝著地

馨六

頂禮佛足而白佛言世尊菩薩修行安忍波
羅蜜多云何進求而得圓滿然此安忍復有
幾種若修行者功用如何惟願開示我等樂
聞爾時佛薄伽梵讚慈氏菩薩摩訶薩言善
哉善哉汝今為欲利益安樂一切衆生能問
如是甚深義趣汝今諦聽善思念之吾今為
汝分別解說善男子當知生死涅槃悉皆平
等以無分別名安忍波羅蜜多復次若有
愚下狂亂衆生來罵辱者皆忍受之譬如醉
象難可禁制應以鐵鉤而調伏之瞋心醉象

亦復如是以忍辱鉤而制禦之令其調伏名爲安忍波羅蜜多復次若諸有情爲彼三十六俱胝天魔鬼神藥叉羅刹而來侵害菩薩唯將安忍波羅蜜多能破彼軍乃至八萬四千煩惱怨賊欲摧伏者亦以安忍而除滅之非唯如是天魔大軍煩惱怨賊乃至極下微小怨賊亦以安忍而調伏之是名安忍波羅蜜多復次譬如王子善習王法父王崩已次紹王位當以正法頒告四方率土之內悉皆奉行五種正法云何爲五一不斷生命二不行盜竊三離欲邪行四不虛誑語五不分外賦稅財物若王境內有犯殺者其王便獲第六分罪偷盜邪行及以妄語亦復如是何以故若法非法王爲根本於罪於福第六一分皆屬於王菩薩摩訶薩亦復如是心爲國土

大悲爲王以五忍法宣布境內所謂打罵忿恚戲弄如是五法皆安忍之若違犯者獲大重罪復次慈氏譬如農夫欲種植時爲引水故先治溝渠興功之次中遇山石穿掘無由於斯便止菩薩摩訶薩則不如是於生死流轉大曠野中欲穿智渠引甘露水既修習次遇瞋恚石無方除遣唯有安忍審諦觀察而穿破之復次一切國王大臣長者居士恒以瓔珞而爲莊嚴諸佛法王大菩薩等常以安忍瓔珞而自嚴身若遇衆生非理欺負大悲安忍而救護之又此安忍與苾芻苾芻尼而爲師範以信進念定慧而爲林樹以淨戒爲枝葉於此林內瞋火熾起焚戒枝葉無由撲滅以安忍雨而得滅除現在未來一切苦難永無憂患無安忍者於現世中行住坐卧無

有安樂於未來世豈有樂耶菩薩摩訶薩以
安忍力而爲甲冑彼造罪人爲旃荼羅以瞋
恚手執妄想弓放麤語箭射安忍甲而彼弓
箭自然摧折安忍甲冑一無損壞其碎弓箭
變爲蓮華當知菩薩如是修行是則名爲安
忍波羅蜜多復次譬如世間阿伽陀藥能除
自他一切毒病菩薩亦爾忍伽陀藥能治自
他一切瞋恚煩惱毒病是名安忍波羅蜜多
譬如世間明月寶珠商主持行度大曠野砂
磧之中絕無水處於夜月中持珠向月以器
承之水即隨出商主飲之得度曠野菩薩亦
爾持此安忍明月寶珠度於生死曠野磧中
絕無智水煩惱之處於佛智月持忍辱珠承
佛法水菩薩飲之出於生死至涅槃岸復次
慈氏譬如大地一切草木依之得生一切有

情依之而住安忍亦爾一切菩薩摩訶薩於
十地中修習六種波羅蜜多依之生長由斯
而住復次如有梯陞極爲高大衆生登陟直
至梵天安忍之梯高大亦爾菩薩登陟至天
中天復次如巧畫師畫種種像莊彩成就安
忍畫師亦復如是莊嚴功德圓滿成就復次
譬如虛空起大密雲降注洪雨瀑水汎漲漂
蕩一切草木華果入苑伽河轉至大海菩薩
亦爾心如虛空能起一切大悲密雲降大法
雨安忍瀑流漂蕩一切瞋恚草木愚癡華果
流入智河轉至涅槃清淨大海復次菩薩雖
見生死流轉諸苦以安忍力代爲受之經無
量劫不辭厭倦亦無棄捨而取涅槃復次菩
薩摩訶薩以安忍力能捨一切頭目髓腦身
肉手足及與身命心無憍惜凡夫無智聞之

驚怖身毛皆豎何能捨之菩薩如是以安忍力所生之處容貌端正一切衆生之所樂見於大會中常爲諸佛之所稱歎復次菩薩摩訶薩安住忍力堅固不動如妙高山旋嵐猛風所不能動忍妙高山亦復如是瞋恚猛風所不能動復次一切外道因惡知識生邪見心修諸苦行裸形自餓五熱炙身投巖赴火謂得生天不信正法菩薩見已起大悲心示同苦行倍過於彼是諸外道尊敬菩薩以爲師範然後導之示以正法令彼邪徒住於正見復有外道而作是言此身有我住在心中如大母指而無障礙亦無形相唯天眼者方得見之而此眼根爲我侍者眼既得已尋報我知耳鼻舌身意亦如是以此因緣若有衆生毀罵我者人能殺之得生天上忍受罵者

警六

四

死墮三塗譬如多人同事一將若毀我將衆共殺之若不殺者衆人有罪菩薩以安忍力愍彼邪見皆忍受之以種種方便除彼邪見譬如時雨隨彼草木而能滋潤增長成實菩薩安忍亦復如是爾時薄伽梵而說頌言

如天欲雨蟻出穴 聚土爲封作穴居
父母不淨集成身 妄識於中執爲我
相續色力恃豪強 智者諦觀如幻燄
一念之頃作微塵 如象蹈封皆散壞
瞬息剎那速生滅 行住坐卧皆爲苦
若了身色苦無常 智人於此何貪著
諸天梵住苦行者 毒蛇視觸無能害
設有中傷呪藥解 無常毒螫誰爲救
善法易修悉棄捨 欲樂敗類苦貪求
智者觀之無所成 垢弊之衣難染著

警六

五

菩薩摩訶薩應爲外道說無我法汝所執我爲在內耶爲在外耶前際去耶後際去耶汝言有者汝命終時應能救汝旣不能救明知無我譬如忠臣一心奉主若在危難主必救之今旣不能定知無我若有我者應得自在云何乃被無常壞耶而諸衆生被無常鬼衆苦所逼肢節分離奄然而逝若有我者應得免之旣不免離故知無我以是因緣汝諸外道從無始來奉事於我造諸惡業受苦無窮當知此我無少恩分汝久事他捨汝而去遂將汝身付諸惡獸豺狼虎豹而爲啗食然我棄汝別覓餘身從無始來捐棄汝等若計其數無量無邊現在未來亦復如是復次汝若謂心即是神我身爲僮僕當知此身即是我所從無始來受身無量莫知其數如是諸身

爲一我耶爲多我耶若我多者即是無常以無常故我義不成若我是一即應常住恒守一身不應移去以不住故一亦不成由此因緣汝應思察多我一我義並不成以是當知心非是我復當觀察身非我所亦非僮僕身若屬我行住坐卧生老病死須我處分我未教勅相次而來明不屬我若屬我者生應常生不應老死行住坐卧亦復如是改易非常定非我所以此定知無我我所復次當知所執我者汝之大怨何以故汝於前世積集善根五欲果報今世受盡現在造作種種惡業以業力故付與獄卒若有我者何不相救菩薩摩訶薩以安忍力於我所惡鬼之中拔濟有情皆令正見離我我所見一切法本性空寂是名菩薩修習安忍波羅蜜多復次慈

卷六

六

氏猶如有人爲護子故造作呪術令諸惡鬼不得侵害菩薩亦爾用安忍呪護諸衆生瞋等怨賊無能損害復次慈氏譬如有人爲刺刺腳欲以諸皮徧覆大地於上遊行免有憂患智者問曰汝所求皮欲作何事此人具報如上因緣智者訶云咄哉愚人不應如是但以少皮用充革屣足得行李不被損傷何用多皮覆於大地凡夫衆生亦復如是徧造怨害持刀欲殺大地怨家菩薩見之深生悲愍但以安忍而爲革屣護汝身心何有衆怨持刀徧害是則名爲安忍波羅蜜多復次有人以毒惡言種種毀罵菩薩聞之不應卒暴而起瞋心當觀察之如是罵者爲是誰耶受毀罵者復是誰耶彼此二身各十二處眼處見色耳處聞聲鼻處嗅香舌處嘗味身處覺觸

意處知法而是眼處實非是我若非我者自他眼處誰過失耶若有過者應須治罰如是觀察俱無過失既無過失誰受誰罵而瞋恚耶如是觀察乃至法處亦復如是十二處外更無一物罵者受者二俱是空以此思惟瞋心頓息若聞麤語應諦觀察如是語言何者是麤麤語二字生不同時麤時非語語時非麤剎那生滅各不相待二字尚無況多毀罵以是觀察百千劫中作是麤言不成罵辱又復觀察能罵之人及所罵法二俱無常剎那不住何有瞋耶以是當知過去已滅未來未至現在不住罵法既空我身亦爾同彼無常生滅不住以不住故一切皆空作是觀時無量怨賊一時銷滅若離此觀取相分別但名安忍不得名爲波羅蜜多五蘊無我乃至十

警六

七

八界等悉亦無我如幻如化毀讚平等本性
空寂亦復如是復次慈氏菩薩摩訶薩見毀
罵者當生憐愍如是之人瞋魔所持煩惱所
覆作是毀罵我今爲欲辟除此魔應善修學
忍陀羅尼不生瞋恨無令瞋恚及餘煩惱損
害衆生我若瞋者鬼魅我身由此因緣於彼
罵者生大悲愍而安忍之雖能如是但名安
忍若離分別是則名曰波羅蜜多復次慈氏
菩薩摩訶薩行安忍時若見有人執持利刀
斷其手足當於是人生欣慰心善知識想猶
如有人施已歡悅我於今者得太福報於彼
受者常懷恩德傍人見之皆生隨喜菩薩亦
爾見割截者生大慶慰除我罪業施我法財
由爲我故受惡名稱失於人天解脫之樂受
三塗苦以是因緣爲我善友作我良伴成我

安忍波羅蜜多我於彼人應生敬重乃至菩
提不忘恩德況反生瞋若起瞋恚是負恩德
由是緣故倍生敬心作善師想雖能如是難
忍能忍由於自他未亡分別但名安忍不得
名爲波羅蜜多復次菩薩住閑寂處而有人

卷六

來謗菩薩言汝不與取作姪欲行打罵治罰
菩薩摩訶薩而安忍之作是思惟非他過失
是我宿世曾謗於他打罵治罰以我餘殃招
彼治責彼因害我當墮惡趣應於是人生大
悲愍復自思惟我今此心極爲姦詐畏墮地
獄生安忍心又欲自成忍波羅蜜今割截者
當墮三塗如是思惟深生慙愧菩薩是時見
已過已於割截者生媿慙心善知識想深生
尊重但名安忍非波羅蜜多何以故由於自
他有分別故復次菩薩了瞋恚法諸苦所因

知行安忍萬行根本以是因緣而行忍辱但名安忍非波羅蜜何以故由於善惡生分別故復次菩薩觀五蘊身五種過失衆苦所集剎那無常五種不淨三十六物無我我所一切皆空外道邪見執身安樂常住無變是清淨法有我我所菩薩諦觀此五種法一切有情亦復如是既知是已聞罵不瞋讚譽不喜但名安忍非波羅蜜多復次慈氏略說菩薩安忍三十二種所謂無貪是安忍不害是安忍無熱惱是安忍無瞋是安忍無恨是安忍無忿是安忍無諍論是安忍不染欲境是安忍能護自他是安忍順菩提心是安忍無分別心是安忍不著生死是安忍順業果是安忍身清淨是安忍口意清淨是安忍堅固不退是安忍言說自在是安忍無徧計是安忍

卷六

九

自覺聖智是安忍將護彼意是安忍修四梵行不隨禪生是安忍於人天樂得自在是安忍相好圓滿是安忍梵音深妙是安忍滅除諸惡是安忍遠離慳垢是安忍除斷嫉妬是安忍捨諸怨賊是安忍近菩提分是安忍離諸不善是安忍樂處寂靜是安忍獲諸佛法是安忍慈氏如是三十二種安忍波羅蜜多菩薩修行能得無生法忍速成阿耨多羅三藐三菩提復次慈氏云何名為安忍波羅蜜多若人惡罵當觀此聲猶如谷響若被打時當觀此身猶如鏡像若被瞋時當觀此心猶如幻化若見忿怒當觀此心性無誼動若得利養當觀此心自性調伏不生歡喜若失利養當觀此心善妙寂靜不生瞋恚若遭毀謗當觀此身猶如虛空不應加報若遇讚譽當

觀自身性無我慢而不高舉若得稱歎當觀心性本來空寂不生忻慰若被譏嫌當觀本心性離怖畏不生憂感若遇苦時當觀法性本無逼迫不見苦相若受樂時當觀實性常住不變無苦樂相菩薩摩訶薩住安忍時如

是八風不能動轉何以故以菩提心住真實相離於彼我見法身故復次有不安事皆忍受之爲欲降伏諸魔怨故當行一切難行苦行爲調外道諸邪見故慈氏當知我今略說安忍波羅蜜多復次慈氏若觀無常離彼我

第六

十

相心得安忍非真實忍若觀諸法善不善相心得安忍非真實忍若復諦觀十二處忍於諸根塵離恚罵相而得安忍非真實忍若觀恚罵以爲顛倒忍爲真正辯邪正思非真實忍復次見忍有理恚罵無理此取相忍非真

實忍復次住八正忍離八邪忍道非道忍非真實忍復次不觀諸法無常無我不淨苦忍唯觀諸法常樂我淨無生法忍此相違忍非真實忍復次於空法忍諸見不忍無相法忍有相不忍無願法忍有願不忍無行法忍有行不忍無煩惱法忍有煩惱不忍諸善法忍非善不忍出世法忍世間不忍無過法忍有過不忍無漏法忍有漏不忍涅槃法忍生死不忍如是諸忍是對治忍非究竟忍爾時慈氏菩薩摩訶薩白佛言世尊如是忍者旣非究竟云何名曰究竟忍耶惟願如來分別解說爾時薄伽梵告慈氏菩薩摩訶薩言善男子真實忍者以正智慧了一切法本性皆空即此空性與一切法本性無二故一切法性空性正智本性清淨無二無二分無別無斷

第六

十一

故以是當知世間法即是空空即是世間法
 二法本性不相離故如是忍名究竟忍復
 次以正智慧了一切法性即無相性無相性
 即一切法性本性無二故一切法性無相性
 正智本性清淨無二無二分無別無斷故以
 是當知一切法性即無相性無相性即一切
 法性二法本性不相離故如是忍名爲究竟
 忍復次以正智慧了一切法性即無願性
 無願性即一切法性本性無二故無願性一
 切法性正智本性清淨無二無二分無別無
 斷故以是當知一切法性即無願性無願性
 即一切法性二法本性不相離故如是忍名
 究竟忍復次以正智慧了一切行性即無
 行性此無行性與一切行性本性無二故一
 切行性無行性正智本性清淨無二無二分

無別無斷故乃至如是忍者是究竟忍復次
 以正智慧了煩惱性即無煩惱性無煩惱性
 即煩惱性本性無二故煩惱性無煩惱性正
 智本性清淨無二無二分無別無斷故乃至
 如是忍者是究竟忍復次以正智慧了一切
 善性即不善性不善性即一切善性本性無
 二故善性不善性正智本性清淨無二無二
 分無別無斷故乃至如是忍者是究竟忍復
 次以正智慧了出世法性即世間法性世間
 法性即出世間法性本性無二故出世法性
 世間法性正智本性清淨無二無二分無別
 無斷故乃至如是忍者是究竟忍復次以正
 智慧了無過失性即過失性過失性即無過
 失性本性無二故無過失性過失性正智本
 性清淨無二無二分無別無斷故乃至如是